

Kata Pengalo – Ngalo Ras Momo



Turang ras senina i bas Tuhanta Jesus Kristus, selaku serayan Tuhan, ikataken kami mejuah-juah ras Selamat Wari Minggu man banta kerina. Man bandu kekelengen kami si sekali enda denga erkebaktin i bas gerejanta enda, ikataken kami mejuah-juah. Kerehenndu nambahi keriahen man banta kerina. I bas bena kebaktinta mari dage si dengkehken momo kerna perdalanen perpulungen Tuhan, bage pe rencana pelayanen gerejanta ku bas wari-wari si reh enda ([Ngogeken Momo](#)).

Kata Penaruh

=====

Turang ras senina i bas kekelengen Tuhanta Jesus Kristus, minggu enda igelari minggu zending, ija kita nginget maka Jesus enggo ngutus ajar-ajarNa guna nehken Berita si Meriah. Erkiteken si e turah gereja si tetap pembarken Berita si Meriah erkelang-kelangken *misionaris* si enggo ipilihNa. Tentuna kita pe ikut ngaloken pendilo Tuhan e, muat bagin ras nerusken meritaken Berita si Meriah e. Terlebih-lebih man kalak si lenga tek gelah ialokenna Jesus jadi Juruselamatna.

Erkata Lonceng

(Perp. Tedis)

Rende

KEE No. 339 : 1, 2, 3

(Serayan Kebaktin Bengket Ku Mimbar)

Kebaktin Minggu, 26 Oktober 2025
Minggu XIX Kenca Trinitatis / Minggu Zending

3	Votum – Salam <i>(Perp. Tedis)</i>
L	I bas gelar Dibata Bapa si enggo nuruh AnakNa ku doni enda, i bas gelar Jesus Kristus si nuruh gerejaNa guna ersaksi, ras i bas gelar Kesah si Badia si mpegegehi gerejaNa meritaken Berita si Meriah. Perkuah ate ras dame i bas Dibata Bapa, ras i bas Jesus Kristus nari, i bas kerembaken Kesah si Badia nemani kita seh rasa lalap. Amin.
P	Amin Amin Amin <i>(iendeken)</i>
4	Berita Kerna Perbahanen Ras Sura-Sura Tuhan (Invocatio)
L	“Kalak si erkiniteken si enggo merap e lawes ku kuta-kuta meritaken Berita Si Meriah” (Perbahanen Rasul-rasul 8 : 4). Erpalasken kata Dibata enda, sipuji IA alu ras ngendeken : KEE No. 312 : 1, 2
5	Pujin Man Tuhan <i>(Perp. Kundul)</i>
L	Perbahanen ras kekelengen Tuhan tuhu-tuhu mbelin man doni enda, alu nuruh AnakNa ku doni enda guna maba berita keselamatan.
P	Ngataken bujur kami man baNdu o Tuhan, sabab enggo aloken kami berita keselamatan si ibabaNdu.
L	Tuhan si dem alu perkuah ate mabai keselamatan man kalak si tek. Erdandanken si e mari sipuji Tuhan si enggo nuduhken keleng ate ras kemuliaNa erkelang-kelangken Perberita si meriah si enggo reh kutengah-tengahta.
P	Ipuji dingen isembah kami Kam Tuhan, sabab igejapken kami keleng ate ras kemuliaNdu, arah Perberita si meriah si enggo isuruhNdu.
L	Kesah si Badia erdahin guna pengasup gerejaNa nehken Berita si

	Meriah e ku kerina tinepaNa.
P	Bujur o Tuhan, i bas Kam enggo mereken Kesah si Badia si mpengasup kami guna ersaksi kerna keselamatanen si enggo ipadankenNdu man kerina tinepaNdu.
L	Mari si penangkih tole pujin-pujinta man Tuhan, alu ngendeken : KEE No. 405 : 1, 2, 3
6	Kinilangasupen Guna Erberita
L	Ngidah belinna kekelengen Tuhan man banta, maka i bas keselamatanen enda, mari tulihken ku bas pusuhta kerna ketutusenta i bas ngayuken pendilo Dibata, guna meritaken Berita si Meriah. <i>(Paksa Teneng)</i>
L	Mari sigejapken kinikotenta sedekah enda i bas meritaken Berita si Meriah alu ngendesken : KEE No. 436 : 1, 2
7	Pedah Dibata si Mpengasup Kita Guna Erberita si Meriah <i>(Perp. Tedis)</i>
L	Kata Dibata si mpengasup kita guna erberita si Meriah : <i>“Kupindoken man Dibata gelah i bas kinibayakenNa si la ersibar nari iberekenNa man bandu kuasa arah KesahNa guna mpegegehi pusuh peratenndu” (Epesus 3 : 16).</i> I bas kita enggo ipegegehi Dibata guna erberita, emaka mari sipuji Dibata alu ngendeken : KEE No. 108 : 1, 2, 3, 4
8	Kata Dibata <i>(Perp. Kundul)</i>
a	Marilah sibegiken Kata Dibata si man ogenken ibas Minggu enda sini ibuat ibas Kitab Jeremia 28 : 12 - 17 . Mari siogeken secara pegancih. Sibenaken pengogenta
28:12 L	Piga-piga dekah kenca si e TUHAN nuruh aku
28:13 P	lawes ngataken man Hanania bagenda, “Ikataken TUHAN maka pasangan kayu ngasup kam merperkenca tapi igantikenNa alu pasangan besi.

<p>28:14 L</p> <p>28:15 P</p> <p>28:16 L</p> <p>28:17 P</p>	<p>TUHAN si Mada Kuasa, Dibata nu Israel ngatakenca maka itamakenNa bangsa-bangsa jadi budak raja Babilon, Nebukadnesar. Ikataken TUHAN maka rubia-rubia si meliar pe ibahanNa nembah man Nebukadnesar.”</p> <p>Kenca bage kukataken tole man Hanania, “Begiken Hanania! Kam labo persuruhan TUHAN janah ibabaindu bangsa enda tek man si la tuhu.</p> <p>Dage TUHAN jine ngatakenca maka iambengkenNa me ateNa kam. Ope keru tahun enda, enggo kam mate, sabap enggo iajuk-ajukndu bangsa enda berontak ngelawan TUHAN.”</p> <p>E maka mate Hanania i bas bulan pepituken i bas tahun si e ka.</p>
	<p>Ketuahen kalak si megiken Kata Dibata, dingin simakekenca i bas geluhna si tep-tep wari, Haleluya.</p> <p>Ialoi perpulungen alu ngendeken :</p> <p style="text-align: center;"><i>Haleluya</i></p> <p style="text-align: center;"><i>Haleluya</i></p> <p style="text-align: center;"><i>Haleluya</i></p>

b	Ertoto guna Khotbah
c	Khotbah : Lukas 8 : 34 - 39. Tema : “Beritaken Perbahanen Dibata”
d	Ertoto kenca khotbah
9	Pengakun Kiniteken <i>(Perp. Tedis)</i>
	<p>Aku tek man Dibata Bapa si la ersibar kuasaNa, si nepa langit ras doni.</p> <p>Aku tek man Yesus Kristus anakNa si Tonggal Tuhanta, si jadi arah Kesah si Badia, tubuh i dur singuda-nguda nari si so keliamen, tergelar si Maria, si nenganami kiniseran sangana pemerintahen Pontius Pilatus, nipakuken ku kayu persilang, mate je nari ikuburken, nusur ku doni kematen, peteluwariken enggo keke ibas si mate nari, nangkih ku surga, perkundulna arah kemuhen Dibata Bapa si la ersibar KuasaNa, je nari reh me IA pagi ngeranaken si nggeluh ras si enggo mate.</p> <p>Aku tek man Kesah si Badia, janah lit sada Gereja si Badia, persadan kalak si Badia, pengalemi dosa, kinikeken kula, kegeluhen si rasa lalap.</p> <p>Amin.</p>
10	Nehken Persembahen <i>(Perp. Kundul)</i>
L	<p>Turang ras senina i bas Jesus Kristus, mari si sehken persembahenta si mehulina si jadi tanda pengataken bujurta man Tuhan. Sabap Ia mehuli ras melias man banta. Kata Dibata si jadi i bas kita nehken persembahen pengataken bujurta ibuat ibas Roma 12 : 1 :</p> <p><i>“O senina-seninangku, nginget perkuah ate Dibata si mbelin si isehkenNa man banta, kupindo man bandu: Endeskenlah kulandu man Dibata saja selaku persembahen si nggeluh rikutken si ngena ateNa. Sabap bage me arusna kam ersembah man Dibata sue ras biakndu selaku mahluk si rukur”</i></p> <p>I bas kita ngendesken persembahenta, mari ras kita rende ibas : KEE No. 445 : 1, 2, 3, 4</p> <p>Pertoton Persembahen ras Syafaat</p>

11	Perpadanen Guna Erberita si Meriah <i>(Perp. Tedis)</i>
L	Turang ras senina, idilo Jesus kam guna jadi saksi man temanndu manusia. Kuga dage nindu ngaloken pendilo Dibata ?
P	Erpadan kami O Tuhan, iayuken kami pendiloNdu, iberitaken kami keleng ateNdu ku sekelewet kami. Ijenda aku Tuhan, suruhlah aku !
L	Mari sipepaguhi perpadanenndu alu ngendesken : KEE No. 396 : 1, 2, 3
12	Pertoton Tuhan
13	Pengutusen ras Pasu-pasu Dibata
L	Laweslah ku kerina bangsa manusia, bahanlah ia jadi ajar-ajarKu : Peridiken ia i bas gelar Bapa, gelar Anak, ras gelar Kesah Si Badia, janah ajari ia ngikutken kerina si enggo Kupedahken man bandu. Janah ingetlah ! Aku tetap kap ras kam seh ku kudungen jaman.” Guna sie, alokenlah pasu-pasu idur Dibata nari : <i>“Ipasu-pasu janah ikawali Dibata kam; siang ayo Dibata ersinalsal ibabondu; janah melias ateNa man bandu itatap Dibata ku kam, janah malem atendu ibahanNa.”</i> Amin.
	Ialoi perpulungen alu ngendeken : A..min A....min Amin
	<i>SELAMAT HARI MINGGU/SYALOOM.....</i>